

EDIBOT OWO

Genesis 1:26-31; 2:1-25

ỌYỌHỌ UKPEP-ŃKPỌ 2

Eke Mkparawa

IKỌ IBUOT: “Jehovah omokpon, onyuñ odot nte etorode enye eti-eti” (Psalm 145:3).

Akpa Mme Andidun Ererimbot

Idahaemi, ema ediñ ediye ererimbot ema, ebeñe mme andidun enye. Abasi ama anam iyak, ye mme inuen ye mme unam, emem onyuñ ọyọhọ kpukpru ebiet. Edi baba unam emi kiet idikemeke ndinam Ufọk Abasi. Mmọ ikenyeneke ifiọk ndikpono Abasi. Andikpon nkan ye akpatre utom ke se Abasi obotde ọmọñ ada itie idahaemi, oro edi edibot owo emi edikponode onyuñ etorode Abasi.

Etie nte Abasi okokot esop ke ini Enye ọdọhọde ete, “Eyak nnyin inam owo isin ke mbiet nnyin, etie nte nnyin.” Ke usem Hebrew, ikọ emi adade ọnọ “Abasi” ke mbuk edibot ererimbot edi “Elohim,” emi adade ọnọ uwak ke usem, ndisian nnyin nte ke ewak ekan owo kiet ke Mbuot – Abasi, ndien ke Abasi Ete ikoduhe ikpọñ.

Apostle John ama ọdọhọ ete ke Jesus ama odu ke eritọñọ ke ini Abasi okobotde ererimbot. John ama ewet ete ke Jesus ekedi Ikọ Abasi, ndien “IKỌ akabare edi obukidem onyuñ oduñ ye nnyin” (John 1:14). “Oto ke enye ekenam kpukpru nkpọ; ndien mitoho ke Enye, inamke nkpọ baba kiet eke ekenamde” (John 1:3). Ndien nnyin imọfiọk ite ke Edisana Spirit ama odu do nko, koro “Spirit Abasi onyuñ ọkubọ ke enyọñ mmọñ” (Genesis 1:2).

Idahemi Mbuot Abasi, oro edi, Abasi Ete, Abasi Eyen, ye Abasi Edisana Spirit, emi eyomde ndibot owo idighe nte eketiñde ebaña eke mme unam, kiet kiet “ke oruk mmọ,” edi ke mbiet Abasi, man etie nte Enye. Owo ke ata akpa uduot ekedi edisana, onyuñ ọfọn ama okonyuñ oyom ndinam uduak Abasi. Enye ikenyeneke ndiọi uduñ, ikenyeneke uduñ, ikenyeneke mfuhọ, mme but.

Owo emi ekenyene ndidi ntọñọ Ufọk Abasi, ndien Abasi ama ama enye. “Ese utọ akwa ima emi Ete ọkọnọde nnyin, ete nnyin ikpekere nditọ Abasi” (1 John 3:1).

Oto Ke Ntan

Abasi okobot owo oto ke ntan isọñ, ndien mbon nta-ifiọk emi ekpepde nkpọ ebaña se inyenede uwem etiñ enọ nnyin ete ke mme imọ imokut ke mbat, nkpri nkpọ 16, mme ewakde ekan oro, emi edude nko ke ikpohidem nnyin. Ke ema ekenọ owo ubierikpe mkpa, Abasi ọkọdọhọ Adam ete, “Koro afo edide ntan, eyenyuñ afiak ke ntan” (Genesis 3:19).

Abasi okobot owo esin ke mbiet Esiemọ onyuñ oduok ibifik uwem esin ke odudu ibuo esie; “ndien owo akabare edi ukpọñ eke odude uwem.” Okposuk edi nte ikpohidem akpade onyuñ afiakde ke ntan, ukpọñ eyeka iso odu ke nsinsi. Enye afiak etiene Abasi emi ọkọnọde enye (Ecclesiastes 12:7).

Odudu Ndikara Se Ebotde

Ema enọ owo emi ekebotde esin ke mbiet Abasi, odudu ndikara kpukpru mme nkpọ eken eke Abasi akanamde. Ofuri unam oro ekedu ke idak Adam, ekenyuñ enyene ndisuk ibuo nno enye. Ekenam kpukpru mme eto ke ufọn esie.

Abasi ama okot mme unam emi edi ke iso Adam man enye osio mmọ enyiñ. Ekedi ata akwa udim mme ekpe, ye edi-ikọt, ye ebọk, ye mme enañ-mbakara, ye eku-mbakara, ye ediwak mme unam eken, ke Adam okosio enyiñ, edi enye ikekwe baba nsañ eke ekemde inọ idem esie ke otu kpukpru mme unam emi. Baba unam emi kiet ikebetke enye. Ekebot enye saña-saña ke oruk esiemọ ikpọñ.

Akananam baba mbon nta-ifiọk ye mmọ emi ekpepde nkpọ ebaña se inyenede uwem ikwe baba nkpọ kiet ndida nsọñọ ukpep nkpọ mmọ emi nte ke owo okoto ke unam. Abasi akanam owo toto ke eritọñọ edi ata isio ye nkpọ efen eke Enye obotde, ke ifiọ k, ke mfọn-mma, ye ke uyai. Ke ini owo akanamde idiok-nkpọ, enye ama oduok mfọn-mma oro, edi ọsuhọ ifiọk ye ukeme ndikpono Abasi.

Abasi okokut ete ke ifonke owo ndidu ikpọñ, nte Enye ọkọdọhọ ete iyenam andiñwam inọ enye. Abasi okoyom owo ama nsañ esie. Enye akanam ọkpọsọñ idap omum Adam; ndien Enye ama ada ọkpọ-ñkañ kiet emi Enye okosiode ke nkañ Adam anam nwan oro. Nte ke nwan oro ekedi mbak idem eren-owo oro. Adam ama

ọdọhọ ete: “Ke (nwan) emi ndien edi ọkpọ eke otode ke ọkpọ mi, ye obuk eke otode ke obuk mi: emi eyekere Nwan, koro edade emi ke idem eren owo.”

Ke adañemi utom edibot nkpo ama okokure, Abasi ekese enye onyũn enem esit. Enye eketiñ abañã enye ete, “ofon eti eti.”

Akpa Eridian-Ndọ

Akpa edinam ndọ akada itie ke Iñwañ Eden, ndien edi Abasi ke Idem Esie akadian mmọ. Abasi ama ọnọ ewuhọ ke ini oro, “Mmọdo owo edikpõnde ete esie ye eka esie, edinyuñ adiana ye nwan esiemọ; ndien mmọ eyekabare obuk kiet.” Ke ini Jesus eketiñde nkpo abañã mme ikọ oro, Enye ama adian emi: “Ntre ke mmọ idighe aba owo iba, edi edi obuk kiet. Mmọdo se Abasi ama akadian, yak owo okudianare” (Matthew 19:6). Ntre, mbet Abasi emi ọbiõõde edisio ke ndọ ntõõ nta ndọ efen ama ododu toto ke eritõõ, kiet ke otu ata akani ibet Abasi.

Ebiet iduñ Adam ye Eve ekedi Iñwañ Eden. Ofuri ererimbot ekedi ebiet eke eyede ndiduñ, edi Abasi ama ama Adam ye Eve eti-eti esin Enye akanam ata saña-saña ediye-iñwañ emi ọnọ mmọ. Kpukpru oruk eto mfri ema edu ke iñwañ emi man edi udia enọ mmọ. Nkukure utom emi ekenode Adam ndinam ekedi ndikpeme mme eto emi, ndinyuñ ntet mfri eke enye oyomde ndidia. Ufon ikoduhe enye ndida mmõñ nduok ke iñwañ, koro, “ntuhube oto ke isõn ọdọk, ekebit ofuri iso obot.” Edim ikedepke man abiat ukpeñe.

Ima Ọnọ

Abasi ama ọnọ owo kpukpru se enye oyomde onyũn ọnọ enye ekese nkpo inemesit. O, ima Abasi emi akanamde kpukpru emi ọnọ owo!

“Ima ọnọ ofuri ini --

Efen -- onyũn ebighi

Adada ndisuk nnọ

Ke ntat-ubok.

Nt’enye odod’uwem

Enye osuk ọnọ.

Koro emi edi utom Ima –

Ndinọ -- nsuk nnọ -- nsuk nnọ.”

Eto Ibet

Eto Iba ema edu ke iñwañ emi, emi ekekpuhõrede ye mmọ eken. Kiet ekedi eto ifiok eti ye idiok, ndien enye eken ekedi eto uwem. Ibet ikoduhe ndibiõõ owo ndidia mfri eto uwem oro. Ekebot owo man odu uwem ke nsinsi, ndien ikpekpaħa tutu amama edieke enye mikpekanamke idiok-nkpo.

Edi ama edi mfri eto eken, eto ifiok eti ye idiok, Abasi ọkọdọhọ ete owo okudia. Oro ekedi nkukure nkpo emi Abasi ọkọdọhọde “Baba” ke iñwañ Eden. Ikõõhọ Adam ye Eve mme ewuhọ efen ndinim. Mmọ ema enyene unen ndinam se mmọ emade man ekop inem ke kpukpru nkpo eke Abasi akanamde ọnọ mmọ.

Ntre ke uwem ọkõtõõ ke ererimbot emi, ke emem ye ifure, ke uyai edisana ido. Se utọ edidiõõ oro! Mme unam edia mfri vine, kpa nte mme owo ediade, ndien ikowotke mmọ. Ntak ndikop ndik ikoduhe. Abasi ama ada edidiõõ odori kpukpru se enye okobotde onyũn ọdọhọ ete ofon eti-eti. Kpukpru utom ubok Esie okowut ima ye odudu Abasi.

Nwan-Ndọ Christ

Nnyin imekeme ndikut mbiet Nwan-ndọ Christ ke mbuk edibot ererimbot emi. Kpa nte ekesiode ọkpọ-nkañ Adam kiet eda enam eyen añwan, nwan-ndọ esie, ntre ke edisioño ekpri ibat owo emi ebeñede idem mmọ ke otu kpukpru mmọ eke ebatde idem nte Ikot Christ, eda man edi Nwan-ndọ Christ. Idighe kpukpru owo eke edõhõde ete, “Obõñ, Obõñ,” emi enimde idem mmọ nte nditọ Abasi edi midighe, edika ke Obio Abasi. Edidi suk ata ekpri ibat oro, mi ye ko, ke ofuri ererimbot emi etienede ukpep-nkpo Jesus, emi edidi mmọ emi Enye emekde. Nnyin inyene ndinam akpanikọ tutu Jesus edi, ndien Enye eyeda nnyin man idi Nwan-ndọ Esie. Jesus ọkọdọhọ ete, “Owo eke akande, nyenọ enye nditie ye Ami ke ebekpo Mi, kpa nte Ami nkakande, nnyuñ nsuhõre ntie ye Ete Mi

ke ebekpo Esie” (Eriyarare 3:21). Mfin emi owo Abasi eke akande ke ebebet ndikop etop emi; “ekem ini ndo Eyen-erofn, Nwan Esie otim idem ebeñe Enye” (Eriyarare 19:7).

MME MBUME

- 1 Abasi eketin ikọ emi onọ mme anie, “Eyak nnyin inam owo isin ke mbiet nnyin”?
- 2 Nnyin inam didie ifiok ite ke Jesus ama odu ke ini ekebotde ererimbot?
- 3 Nso itin inọ nnyin ite ke Edisana Spirit ama odu do nko?
- 4 Ekebot owo eto nso?
- 5 Siak ndusuk akpan ukpuhore emi owo enyenede ye unam.
- 6 Nwan okoto mmofn?
- 7 Nso mbet Abasi ke abafia ndo ke ekeno ke Inwan Eden?
- 8 Nso ke Jesus eketin abafia mbet ndo?
- 9 Nso akpan ebiet idun ke Abasi okono Adam ye Eve?
- 10 Nso ewuhọ kiet ke Abasi okono?